



Doris Jakobsen Jensen
Inatsisartunut ilaasortaq, Siumut

**Soraarnerussutisiaqalernissamut ileqqaartussaataitaneq pillugu § 37
naapertorlugu apeqqummut nr. 36/2023-mut akissut**

Brevdato: 21-02-2023
Sagsnr. 2023 - 2851
Akt id. 22467198

Asasara Doris Jakobsen Jensen

P. O. Box 1037
3900 Nuuk

§ 37 naapertorlugu apeqqummut matumuuna ataani akissuteqarpunga.

Tel. (+299) 34 50 00
Fax (+299) 34 63 50

Apeqquut 1: Soraarnerussutisiaqarnissamut ileqqaartussaataalernikuunerit patsisigalugit inuiaqatigiinni nalinginnaasumik aningaasat kaaviiarnerisa annikillisimanerisa, sulilu annikillinerusinnaaneritut sunniutissaasinnaasut naatsorsorneqarnikuuppat? Misissuisoqarsimappat naatsorsuutit nassuiaateqaqquneqarput, naatsorsuuteqanngippallu suna patsisigalugu pilersitsisoqannginnera nassuiaatigeqquneqarpoq.

E-mail: oed@nanoq.gl
www.naalakkersuisut.gl

Akissut: Aap. Atuutilersitsinermi aningaasatigut kingunissaatut ilimagineqartunik Inatsisissatut siunnersuutip saqqummiunneqarneranut atatillugu nalilersuisoqarnikuuvoq. Inuit inatsisissatut siunnersuummi ilaasussat amerlassusaat inuiaqatigiillu aningaasaqarnerannut kingunissai ataani allaqqapput.

Siunnersuutip aningaasatigut allaffissornermullu kingunissai pillugit siunnersuummi immikkoortoq 3-mi ilaatigut allaqqavoq:

" 2013-imi akileraarutit aningaasarsiallu pillugit paasissutissat tunngavigalugit naatsorsuinerup takutippaa, soraarnerussutisiaqarnissamut pinngitsoorani ileqqaarnissaq 2023-mi tamakkiisumik angissuseqalerpat soraarnerussutisiaqarnissamut akiliutit 500 mio. kr.-it sinnerlugit amerlissasut. Naatsorsuutini amerlassutsit nikisinneqannginnissaat naatsorsuutigineqarpoq, tassa

imaappoq, aningaasarsiat qaffanneri, ikiliartornerit amerliartornerillu
 ilanngunneqanngillat, soorlu akileraarutit procentiat allanngortinneqanngitsaq.¹

Ukioq	Ileqqaarnerusat	Akileraarutit (50 %)	Akiliutit katillugit	Akileraarutit (43%)
---- mio. kr. ----				
2017	186,97	80,40	586,97	252,40
2018	236,18	101,56	636,18	273,56
2019	289,17	124,34	689,17	296,34
2020	345,31	148,48	745,31	320,38
2021	416,33	179,02	816,33	351,02
2022	480,62	206,67	880,62	378,67
2023	543,20	233,57	943,20	405,57

**Tabel 1, inatsisissatut siunnersuutip kingunerisaanik ileqqaarnerusassat.
 Najoqqutaq, 2013-imi akileraarutit aningaasarsiallu pillugit paasisutissat**

Aningaasarsianit akileraarutit pillugit inatsimmik UPA 2016-imi (UPA2016/21)
 allannguinerup ilaatigut kingunerissavaa, soraarnerussutisiaqarnissamut
 aningaasaateqarfinnut nunani allaniittunut akiliutit akileraaruserneqartalermissaat.

Soraarnerussutisiaqarnissamut aaqqissuussinernut akiliutit amerliartornerisa
 kingunerisaanik akileraarutitigut isertitassat tamarmiusut ikileriaataat 225 mio. kr.-it
 missaanniissangatinneqarput, tassa aaqqissuusineq tamakkiisumik atuutsinneqalerpat.
 Soraarnerussutisiaqarnissamut ileqqaakkanut akiliutit amerleriaataasa 50 procentii
 soraarnerussutisiaqarnissamut aaqqissuussinernut Kalaallit Nunaata avataaniittunut
 akilernerqassasut naatsorsuutigigaanni, taava aningaasalersuinissami
 pisariaqartinneqassapput 112,5 mio. kr.-it, amerleriaatimmi sinneri akileraarutitigut
 isertinneqartussat ikileriarmissaannik kingunerqassanngimmata.

Akileraarutitigut isertitassat ikileriaatissaasa 112,5 mio. kr.-it taaneqartut amerlanersaat
 soraarnerussutisiaqarnissamut aaqqissuussinernut nunani allaniittunut akiliutinik
 akileraarusiinikkut akileraarutitigut isertinneqarnerusussanik
 matussuserneqartussaapput. Tassuunakkut isertinneqarnerusussat katillutik 105 mio.
 kr.-iunissaat eqqoriarneqarpoq.

Aningaasat sinnerisa 7 mio. kr.-it pisortat aningaasarsuutaasa
 sipaaruteqarfingeqarnerisigut aningaasalersorneqarnissaat naatsorsuutaavoq.

¹ Nalunaarsuut: Kisitsisit qulaani nalunaarsuiffimmiittut inatsimmi nassuiaatimiittut
 kalaallisuuani qallunaatuuanili assiginngillat. Issuaanerup eqqortuunissaa pissutigalugu kisitsisit
 inatsimmi nassuiaatimiittut atornerqarput.

Soraarnerussutisiaqarnissamut ileqqaarnerulerneq pisortanit ikiorsiissutinut aningaasartuutit amerlilaarnerannik kinguneqarsinnaavoq. Tamanna inuit pisortanit ikiorsiissutinik piffissat ilaanni pissarsisartut piffissanilu allani suliffeqartartut ilaasa, aningaasanik imminut pilersornissaminnut atugassanik ikinnerusunik ataasiakkaatigut pissaqartarnissaannik pissuteqarpoq. Tamannali inunnut sulinikkut soraarnerussutisiaqarfioereersumi, inatsisip minnerpaaffissatut piumasaqaataanik eqquutsisisumi sulisuusunut atuutinngilaq. Aningaasat qanoq amerlatiginissaat erseqqissumik eqqoriarneqarsinnaanngilaq.

Soraarnerussutisiaqarnissamut pinngitsoorani aaqqissuussaqaarnissap kingunerissavaa innuttaasut ataasiakkaat ileqqaarnerulerneq, taamaalillutillu aningaasanik ikinnerusunik atugassaqaalerneq. Tamanna aamma nioqutissanik akitsuusigassanik atuinnermut sunniteqassanganerqarpoq. Atuinnerup ilaata taassuma qanoq appariartiginissaa maannakkut paasissutissaatigineqartut tunngavigalugit erseqqissumik eqqoriarneqarsinnaanngilaq.

Ileqqaagaarnerulerneq siunissaq ungasinnerusiq eqqarsaatigalugu soraarnerussutisiaqarnissamut pinngitsoorani aaqqissuussaqaarnissap pingaaruteqartorujussuussaaq. Naatsorsuinerit takutippaat innuttaasooq sulini tamaat ileqqaagaqarpat, tamanna koruunimik ataatsimik akiliuteqarnerup koruunit sisamat missaannik tunineqarnermik naleqassasoq. Soraarnerussutisiaqarnissamut pinngitsoorani aaqqissuussaqaartussaaneq tamakkiisumik atuutilerpat soraarnerussutisiaqarnissamut akiliutit ukiumut 520 mio. kr.-it missinginik amerlissapput. Taakkunangga 112 mio. kr.-it missingisa, soraarnerussutisiaqarnissamut aaqqissuussinernut nunani allaniittunut akiliutit akileraarutaannik akiliisitsinikkut pisuunissaat missiliunneqarpoq. Sinneri, ukiumut 408 mio. kr.-it missaanniittut ukiuni 30-40-ni ernialersorneqareerlutik ukiumut 1,6 mia. kr.-it missaannik amerlassuseqarlutik tunniunneqartassapput. Tunniunneqartartussat ilaat innuttaasunut Kalaallit Nunaanni najugaqanngitsunut tunniunneqartussaassapput. Tunniunneqartartussalli inuiaqatigiit aningaasaqarnerannut tamarmiusumut pinngitsooratik pingaarutilerujussuussapput. Tunniunneqartartussat ilaatigut pisortanit pensionisiatut tunniunneqartartut ikilinerannik kinguneqassapput, tunniunneqartartussallu ilaatigut kingunerissallugu atuneq aningaasaqarnermut iluaqutaasoq, kiisalu ilaat soraarnerussutisiaqarnissamut aaqqissuussinernit nunatsinneersunit tunniunneqartut akileraaruserneqartussaassallutik.”

Inuussutissarsiortunut aningaasaqarnikkut allaffissornikullu kingunissai pillugit inatsisissatut siunnersuummi immikkoortoq 4-mi allaqqavoq:

” Inuit 18-it 65-illu akornannik ukiullit 9.000-it missingisa soraarnerussutisiaqarnissamut aaqqissuussinermut maanna akiliisannginnerat eqqoriarneqarpoq, taakkununnga ilanngunnagit siusinaartumik pensionisiallit, ilinniagaqartut inuillu sulinermikkut soraarnerussutisiallit imaluunniit pisortanit ikiorserneqartut.

Suliffeqartut inuussutissarsiutinilluunniit ingerlataqartut, aammalu ileqqaarnissamut tunngavissanik sinneqartoorutinilluunniit 100.000 kr.-inik amerlanerusunilluunniit peqartut tamarmik soraarnerussutisiaqarnissamut aaqqissuussinermut akiliisarnissaat inatsisissatut siunnersuutip imaraa.

Suliffillit inuussutissarsiutinilluunniit ingerlataqartut soraarnerussutisiaqarnissamut aaqqissuussinermik peqanngitsut aningaasarsiaasa agguataarneri, inuit

soraarnerussutisiaqarnissamut aaqqissuussinermik peqartutuulli ippata, taava soraarnerussutisiaqarnissamut akiliutinut aningaasartuutit tamarmiusut procentpointimut ataatsimut 10-15 mio. kr.-it missinginik amerleriartarnissaat eqqoriarneqarpoq.

Naatsorsuutigineqarpoq aningaasartuutit amerlanerpaartaat inuussutissarsiutinik ingerlataqartunit akilerneqartarumaartut, tassa sulinikkut soraarnerussutisiaqarnissamik isumaqatigiissutit kinguneri imaluunniit inuussutissarsiutinik ingerlataqartut imminerminnut tunngatillugu soraarnerussutisiaqarnissamut aaqqissuussinernik isumaqatigiissuteqarnerisigut.

Soraarnerussutisiaqarnissamut pinngitsoorani aaqqissuussaqaarnissaq innuttaasut ataasiakkaat ileqqaarnerulerannik, taamaalillutillu aningaasanik atugassakinnerulerannik kinguneqassaaq. Tamanna aamma inuussutissarsiutinik ingerlataqartut kaaviiaartitaannut sunnuteqassangatinneqarpoq. Atuinerup ilaata taassuma qanoq appariartiginissaa paasisutissat pigineqartut tunngavigalugit erseqqissumik eqqoriarneqarsinnaanngilaq".

Innuttaasunut kingunissai pillugit siunnersuummi immikkoortoq 6-imi allaqqavoq:

"Naatsorsuutigineqarpoq aningaasartuutit amerlanerpaartaat inuussutissarsiutinik ingerlataqartunit akilerneqartarumaartut. Aningaasartuutit sinnerisa innuttaasunit namminernit akilerneqarnissaat naatsorsuutigineqarsinnaavoq, tassa soraarnerussutisiaqarnissamut aaqqissuussinernut pioreersunut akiliteqartarnikkut imaluunniit nutaanik pilersitsinikkut.

Soraarnerussutisiaqarnissamut ileqqaarnerulerneq pisortanit ikiorsiissutinut aningaasartuutit amerlilaarnerannik kinguneqarsinnaavoq. Tamanna inuit pisortanit ikiorsiissutinik piffissat ilaanni pissarsisartut piffissanilu allani suliffeqartartut ilaasa aningaasanik imminut pilersornissaminnut atugassanik ikinnerulaartunik pissaqartarnissaannik pissuteqarpoq. Tamannali inunnut sulinikkut soraarnerussutisiaqarfioreersumi, inatsisip minnerpaaffissatut piumasaqaataanik eqquutsisisumi sulisuusunut atuutinngilaq."

Apequt 2: Innuttaasut 18-init ukiullit, pinngitsaalisamik soraarnerussutisiaqarnissartik patsisigalugu, aningaasat ulluinnarni atugassarisimasat, soorlu illusinernut, bilisinernut, allanullu nalinginnaasumik aningaasartuutissaraluaasa maanna annikillineqarnerisa kingunerisaanik aningaaserivinnut aningasanik atortarnerat - erniat ilanngullugit - qanoq allannguuteqartiginikuuppat? Akissuteqarnermi inuiaqatigiit, pinngitsaalisamik soraarnerussutisiaqarnerup atuutilersinnerata kingorna, aningaasanik atorniartarnerinut kisitsisit minnerpaamik akineqarnissaat piumasarineqarpoq, akisinnaannginnermilu patsisigineqartut nassuiaatigeqquneqarput


Akissut: Aallaqqaasiullugu oqaatigineqassaaq innuttaasut soraarnerussutisiassaminnut ileqqaakkanik akiliutaat innuttaasut pigigaaq, aningaasallu akilerneqartut erniai ilanngullugit soraarnerussutisiaqalernerup aallartinnerani innuttaasunut utertinneqassapput. Taamaammat atuinissamut periarfissap ajornerulernera pineqanngilaq, kisiannili atuinissamut periarfissaq kinguartinneqartoq pineqartoq.

Innuttaasup taarsigassarsiaasa ernianullu akiliutaasa erseqqissarneqarnissaannut paasissutissat ilaatigut Naatsersueqqissaartarfimmit pissarsiarineqarput.

Napasuliat ataaniittut Naatsorsoqqissaakkanik toqqorsivimmit (<https://bank.stat.gl>) ilaatigullu FinansDanmarkimit (<https://finansdanmark.dk/tal-og-data/boligstatistik/obligationsrenter>) pissarsiarineqarput. (Qulequttat nassuiaatillu il.il. ilanngunneqarput).

Kisitsisinit pissarsiarineqarsinnaasunit takuneqarsinnaavoq ernianut aningaasartuutit tamarmiusut ataatsimut isigalugit 2016-imit 2021-mut appariartut. Taamatuttaaq innuttaasut ernianut aningaasartuuteqartut, tassunga ilanngullugit innuttaasut inuusuttut ernianut aningaasartuuteqartut, piffissami 2016-imit 2021-mut ikileriartut.

Piffissami 2010-mit 2021-mut ernianut katillugit aningaasartuutit:



Naatsorsueqqissaakkanik toqqorsivik: Inuit 14-it sinnerlugit ukiullit piffissaq malillugu ernianut aningaasartuutaat.

Napasuliani takuneqarsinnaavoq ernianut aningaasartuutit tamarmiusut 2010-mi 265 mio. kr.-nik 2021-milu 216 mio.kr.-nik annertussuseqartut.

Peqatigitillugu takuneqarsinnaavoq obligationit erniaat ataatsimut isigalugu piffissami taaneqartumi appariartortut.

Obligationsrente



FinansDanmark: Obligationit erniaat.

Obligationit erniaat illusinermi taarsigassarsiat erniaasa allanngorannerannik takussutissiipput. Napasuliani takuneqarsinnaavoq obligationit erniaat piffissami 2010-mit 2021-mut ataatsimut isigalugu appariartortut, ukiut ingerlaneranni qaffannersut apparnersulluunniit apeqqutaatinnagu. Assersuutigalugu piffissamut sivisuumut erniat (illusinermi piffissamut sivisuumut obligationit erniaat agguaqatigiissillugit danskit koruunii) januarimi 2010-mi 5,20 procentusut decembarimilu 2021-mi 1,75 procentusut.

Imaaliinnarluni ilimagineqarpoq ernianut aningaasartuutit tamarmiusut appariarnerat ilaatigut illusinermi taarsigassarsiat erniaasa appariarnerannik pissuteqartut. Akerlianik innuttaasut taarsigassarsisut amerleriarnersut ikileriarnersulluunniit kisitsisit takussutissiingillat

Inuusuttut ernianut aningaasartuuteqartut amerlassusaat 20-24 ukiulinnut aamma 25-29 ukiulinnut agguarlugit:

Inuit amerlassusaat



Naatsorsueqqissaakkanik toqqorsivik: Inuit 14-it sinnerlugit ukiullit ukioqassusiat aamma piffissamut ernianullu aningaasartuutit malillugit.

Napasuliani takuneqarsinnaavoq inuusuttut ernianut aningaasartuuteqartut 20-nit 24-nut ukiullit 2016-imi inunnit 2.829-nit 2021-mi inunnit 2068-inut ikileriarlut. inuusuttullu 25-


nit 29-nut ukiullit 2016-imit 2018-imit amerleriartut, inunnit 3.475-ini inunnut 3.518-inut, tamassumalu kingorna 2021-mi inunnut 3.219-inut ikileriarlutik.

Inuusuttut 20-t 29-llu akornanni ukiullit ernianut aningaasartuuteqartut ikileriarnerat assigiinngitsutigut nassuiarneqarsinnaavoq. Pissutaasoq assersuutigalugu tassaasinnaavoq inuusuttunut aningaasanik taarsigassarsitsisartut tunuarsimaarnerulernikuusut. Pissutaasoq alla tassaasinnaavoq inuusuttut taarsigassarsinissamut tunuarsimaarnerulernikuusut.

Tamassuma saniatigut illunuk piginnittunut illusinermi taarsigassarsiat tamarmiusut (obligationinut akiitsutigut uuttorlugit) 2010-mi 1,99 mia.kr.-nit 2021-mi 2.87 mia.kr.-nut annertuumik qaffariartut. Piffissami 1. januar 2018-imit 31. december 2021-mut illumut pisinermit taarsigassarsiaritinnegartut qaffariarnerat illut tunineqartut amerleriarnerannik, illut akiisa qaffaariarnerannik pissutsilluunniit taakku marluutillugit pissutaanersut paasissutissani erinngilaq.

Illunut pigisanut piffissami 2010-mit 2021-mut obligationini akiitsut tamarmiusut:

Aningaasat mio. kr.-nngorlugit




Naatsorsueqqissaakkanik toqqorsivik: Obligationini akiitsut piffissaq illullu suussusii malillugit – inissiat pigisat.

Aningaaserivinni taarsigassarsianut tunngatillugu takuneqarsinnaavoq taakku piffissami 2013-imi 2021-mut allanngorangaatsiartut, tassunga ilanngullugu 2016-ip ingerlaneraniit 2021 ilanngullugu. Aningaaserivinni akiitsut allat 2019-ip naanerani 1,79 mia.kr.-nik, 2017-ip naanerani 1,90 mia.kr.-nik, 2018-ip naanerani 1,98 mia.kr.-nik, 2019-ip naanerani 2,15 mia.kr.-nik, 2020-p naanerani 215 mia.kr.-nik aamma 2021-p naanerani 1,78 mia.kr.-nik annertussuseqartut.

Aningaaserivinni taarsigassarsiat annertussusaat piffissami appariarnerannut pissutaasoq ersinngilaq. Tamassumunnga nassuiaataasinnaasut amerlapput, tassunga ilanngullugit assersuutigalugu innuttaasut ilaasa aningaaserivinni taarsigassarsiat illunuk pisinermi taarsigassarsianik taarsiinikuunerat.

Piffissami 2013-imit 2021-mut aningaaserivinni taarsigassarsiat allat:

Aningaasat mio. kr.-nngorlugit



Naatsorsueqqissaakkanik toqqorsivik: Aningaaserivinni taarsigassarsiat kontonullu ilisat piffissap malillugu naanerani oqimaaqatigiissitsineq – inoqutigiinnut taarsigassarsiaritinneqartut. 2012-imi qaammatit pingasukkaartut pingajuat sioqqullugu kisitsiseqanngila.

Naatsorsueqqissaarnermi paasissutissat qulaaniittut aallaavigalugit takuneqarsinnaavoq illunik pisinermi aningaaserivinnit taarsigassarsiaritinneqartut piffissami 1. januar 2018-imit 31. december 2021-mut appariartut.

Taarsigassarsiaritinneqartut qaffannerannut illut tunisat amerlisimanerannik imaluunniit illunik pisisut taarsigassarsinissamik pisariaqartitsinerisa annertunerulerneranik takutitsinersut kisitsisini takuneqarsinnaanngilaq. Taarsigassarsititsisut illunik pisisut akiliisinnaassusiannik nalilersuisussaataammata, ilimanarnerpaajuvoq taarsigassarsiaritinneqartut qaffariaataat pingaartumik illut amerlanerusut tunineqarnerannik pissuteqartoq ilimanarnerpaajuvoq.

Kisitsisit pigineqartut tunngavigalugit soraarnerussutisiaqalernissamut ileqqaartussaataanerup atuutilersinneqarnera annertunerusunik taarsigassarsinissamik pisariaqartitsinermik kinguneqarsimanersoq taamatulluunniit periarfissamik pinngitsoortitsisimanersoq ataatsimut nalilersuisoqarsinnaanngilaq. Innuttaasut ataatsimut isigalugit inuusuttulluunniit pillugit. Ilimanartorujussuuvorli taarsigassarsiat qaffannerat illut tunisat amerlanerannik pissuteqartoq, annertunerusunik taarsigassarsinissamik pisariaqartitsinermik pissuteqarani.

Apeqqu 3: Soraarnerussutisiaqarnissamut pinngitsaalisamik katersisussaataalernermet inatsisissap Inatsisartuni suliarineqarnerani, ilaatigut pissakinnerit eqqornerlunneqarsinnaanissaat takorloorneqarnikuuvoq. Naalakkersuisut maanna killiffimmuut qiviraanni pissakinnernut katersisussaataaneq atuuttoq pissusissamisoortutut inerneqartutut isigivaat?

Akissut: Inatsisissatut siunnersuut 2016-imi tusarniutigineqarmat siunertaavoq kikkut tamarmik isertitat apeqqutaatinnagit soraarnerussutisiaassanut aaqqissuussinermi ileqqaassasut. Tusarniaanerulli kingorna malittarisassat marluk ilanngunneqarput, tassani innuttaasut isertitakinnerpaat mianerineqarlutik. Siulliullugu isertitakinnerpaat ileqqaartussaataanngillat. Aappasaanik ileqqaartussaataanerup atuutsikkiartuaarneqarnissaa atuutilersinneqarpoq, taamaalilluni isertitakinnerpaat aaqqissuussinermi ilaasut ileqqaakkat procentia tamarmiusoq akilissanagu.

Ileqqaartussaataaneq isertitat ullumikkut 125.000 kr.-t qaangerpatigit atuutilissaaq aatsaallu isertitat 175.000 kr.-uppata annertuneruppataluunniit ileqqaakkat procentia 7 procenti anguneqassaaq.

Soorlu Aningaasaqarnermut Akileraartarnermullu Ataatsimiititaliamut allakkatigit 22. oktober 2022-meersukkut ilisimatitsissutigineqartoq innuttaasut 125.000.-175.000 kr.-nik isertitaqartut innuttaasut 2021-mi ileqqaartussaataanermik eqqortitsinngitsut 6,65 procenteraat. Ileqqaartussaataanermik eqqortitsinngitsut tamarmiusut 75 procentii 300.000 kr. sinnerlugit isertitaqarput. Tassunga tapiliunneqarsinnaavoq ileqqaartussaataanermik eqqortitsinngitsut tamarmiusut 80 procentiisa missaat angutaasut arnallu 20 procentiusut.

Naalackersuisut isumaqarput soraarnerussutisiaqalernissamut soraarnerussutisiassanik ileqqaartussaataaneq pillugu inatsimmi pissakinnerusut mianerineqartut, peqatigitillugulu innuttaasut maannakkut akiliutaat soraarnerussutisiaqalernissamillu ukioqaleraanni tulluurtumik aningaasaqarnissamik anguniakkap oqimaaqatigiissinnerat qulakkeerneqartoq.

Innuttaasut isumaqatigiissuteqaratik sulisut inatsit sioqqullugu SIK malillugu sulisutut annertunerusunilluunniit isertitaqaraluarlutik soraarnerussutisiassanut ileqqaarnissamik qulakkeeriniffigineqarnikuunngillat. Innuttaasut taakkorpiaat soraarninngorunik inatsisikkut ikiorserneqarluarput. SIK-mi isumaqatigiissut malillugu sulisutut annertutigipajaartumik soraarnerussutisiaqarnermut aaqqissuussinermut akiliinissaat inatsisikkut qulakkeerneqarpoq. Inunnut ataasiakkaanut aningaasatigit kinguneri SIK-p isumaqatigiissutaa malillugu sulisunit annertunerunngillat.

Apequt 4: Soraarnerussutisiaqalernissamut katersisussaataanerup atuutilereernerata kingorna ilaatigit soraarninngornissamut ukiut qaffatsinneqarput, corona, aningaasarliungaatsiarneq pivoq, akit immikkuullarissamik qaffanneri allarpassuillu naatsorsuutiginnngisat pinerini, pinngitsaalisamik soraarnerussutisiaqarnissamut inatsisip nalilersoqqinnissaa Naalackersuisut pissusissamisoortut isigilersimanerpaat?

Akissut: Inatsisikkut anguniakkat tassaapput pisortat aningaasaqarnerisa nappassinnaanissaata tapersernissaa siunissamilu soraarninngortussat inuunermi atugaasa pitsannngortinnissaat. Anguniakkat taakku sulii qitiulluinnarput, ukiunilu kingullerni eqqissisimannginnerup anguniakkat attatiinnarnissaasa pisariaqassusia ersersiinnarpaat.

Soraarnerussutisiaqalernissamut ileqqaartussaataaneq siunissami utoqqalinersiaqalertussat utoqqalinersiaminnut ilassutissamik sulisariaqannginnerisa qulakkeernissat pingaarutilimmik sakkuvuq. Utoqqalinersiat innuttaasut namminneq soraarnerussutisiassanut ileqqaagaannik ilaneqassapput. Peqatigitillugu nammineq soraarnerussutisiassanut ileqqaakkanut akiliutit pisortat missingersuutaasa ajornartoorfiunissaat annikillissavaat.

2022-mut aningaasanut inatsit pillugu isumaqatigiissummut atatillugu aalajangerneqarpoq inatsit misissorneqassasoq. Tamanna Inatsisartut inatsisaata 2022-mi ukiakkut ataatsimiinnermi allannngortinneranik kinguneqarpoq.

Inatsit taamaammatt aningaasaqarnermi tamaviaarnartunut inatsisip akuerineqarnerata atuutilersinneqaratalu kingorna pinngortunut naleqqussaataasutut isigineqartariaqarpoq.

Oqaatigineqassaaq Kalaallit Nunaanni aningaasaqarnermik ajornartorsiortitsisoq tassaasoq nappassinnaanermik ajornartorsiut, tassani maannakkut atugarissaarnerup qaffasissusia piginnarneqassappat ukiuni aggersuni isertitassat ikinnerunissaat amerlanerusunillu aningaasartuuteqartussaaneq.

Nunarpassuit allat assignagit nunatsinni aningaasaqarneq aningaasanik ingerlatsinerup appariarneratigit, aningaasat annertuumik nalileerukkiartornerannit kinguariarnikuunngilaq. Kisiannili aningaasaqarnerup inuiaqatigiinnilu atugarissaarneq siunissamut qulakkeernissaannik pisariaqartitsisoqarpoq, tamassumanilu aaqqissuusseqqikkusussuseqarneq siunissamullu akisussaassuseqarusussuseq pisariaqarput.

Apeqput 5: Apeqputigineqartuni paasissutissat pissarsiarisinnaanngikkaanni, itisilerluakkamik paasissutissat pissarsiarisinnaanerinut aqutissat nassuiaatigineqarnissaannut, taamatuttaaq aningaasartuuteqartariaqartoqarpat missingersuutissaat ilanngullugit suut periarfissaappat?

Akissut: Neriuppunga apeqputit qulaani akineqartut.

Akissutit ilaasa itisilernissaannik kissaateqaruit nutaanilluunniit apeqputissaqaruit soorunami piareersimavunga.

Inussiarnersumik inuulluaqqusillunga



Naaja H. Nathanielsen